

Al-Kitab untu' Ana'-ana'
Memperssembahkan

Ajajiyanna
Isa



Parokina Iyanaritu: Edward Hughes

Pa'gambarana iyanaritu:
M. Maillot

Pengadaptasina iyanaritu:
E. Frischbutter; Sarah S.

Penterjemana iyanaritu: Armin Sukri


Paproduksina iyanaritu: Bible for Children
www.M1914.org

©2010 Bible for Children, Inc.


Ijin: Weedimmua rilemba iyaré curitaé iyakiya de' nawedding ri balu'.



Riwettu iya labe'é, Allataala
Nakirinni malaika' Gabriél
lao ri seddié ana' dara
Yahudi iya malello'é
iyaseng Maryam.



Makkedai lao ri Maryam, "Engka
matu' ana'mu namualéngngi aseng
Isa. Aléna riasettoi paimeng
ana' iya kaminang maloppoé.
Mapparéntai lettu'
mannennungeng."



“Pékkugiwi wedding iya kajajiangngé?” temmaka sélenna Maryam. “De’pa uwallakkai.” Na iyarao malaika’é napowadai lao ri Maryam makkeda ana’mu iyanaritu pabbéréna Allataala, tennia ana’ taulino.



Napowadatoi iyaro malaika'é lao ri
Maryam makkeda sappisengmu Elisabet
engkatona ana'na namuni
macuwani. Iyaré
séddi mujiza'. De'
natessiaga éttana
laoni Maryam ri
bolana Elisabet.
Namassibawa
pakalebbi'i
asénna
Allataala.



Maryam engka
tunanganna riaseng
Yusuf. Mapeddi
atinna Yusuf
nasaba'
naisenngi
makkeda
Maryam
mattampu'ni.
Nasengngi
engka worowané
laing lao sibawa
Maryam.



Iyakiya mannippini Yusuf,
malaika'na Allataala powadangngi
makkeda iyaro ana'é iyanaritu
ana'na Allataala. Yusuf harusu'i
balingngi Maryam jampangiwi
iyaro ana'é.



Yusuf mateppe'i sibawa naccowériwi adanna
Allataala. Naturusi toi hukkung polé ripamaréntaé.
Nasaba' engka parénta na lisuni Yusuf sibawa
Maryam lao ri kamponna,
untu' mpajai
paja'na.



Poléni nasedding
Maryam maélo
mémmana'.



Iyakiya Yusuf de'gaga
bola naruntu' untu'
naonroi Maryam
memmana'. Sininna
bolaé buké
maneng.



Naruntu'ni séddi wakké olo-kolo' iya engkaé
dulanna. Na jajini Isa ri laleng iyaro wakkéwé.

Nainappa napaléwuni Isa ri
séddié dulang, onronna
olo-kolo'é
manré.



Dé'na mabéla polé rionrongéro, engka sikalompo' pakkampi bémbala'. Cumpani malaika'na Allataala powadangngi mennang karéba madécéng.



"Riessoéwé engkana Passalama' jaji ritengnga-
tengngamu ri kota Daud, iyanaritu
Al-Masih Puangngé. Muruntu'i

matu
ana'lolo
lewu ri
dulangngé."



Nateppa engka manenni malaika'na Allataala
cumpa ri langi'é, pojiwi asenna
Allataala makkeda, ...



... "Gloria lao ri Allataala iya
matnré risuruga na adaméngeng ri
linoé, Allataala engakai
ritengnga-tengngata'."



Namasitta'na iyaro pakkampi'é lao ri onrongngé. Naitana iyaro ana'loloé napowadani makkeda Malaika'na Allataala napalettukengngi passalenna Isa Al-Masih.



Patappulo essona mangoloe',
Yusuf sibawa Maryam natiwini
Isa lao ri Baitullah ri
Yerusalem. Engka
tau iyaseng Simeon
pakalebbi'I Allataala
nasaba'
naitani
ana'Na.



Engkato seddi makkunrai
macowa riaseng Hanna,
pattumaninna Allataala
mappénré' sukkuru'.





Iyaro duwaé tau naissengngi
makkeda iyanaro ana'Na
Allataala, Pappasalama' iya
nijanciyangngé. Yusuf
nakkarobangénni duwa
manu'-manu' lao ri
Allataala. Iyanaré
paréntana
Allataala
lao ri tau
kasiyasié
narékko
purai
jajiyang
ana'.



De'na tessiaga
ettana, engka
wittoweng
macakka' tiwi
tau mapanré
polé ri

alau' lao ri Yerusalem. "Kégani
jaji iyaro ana'é iya jajiyé untu'
mancaji arunna tau Yahudié?"
makkutanani mennang.
"Maéloki' sompawi Aléna".



Raja Herodes
naéngkalingani
passalenna iyaro tau
mapanréwé. Nasurona
pambantunna lao sappa'i
Isa. "Maéloka' sompawi
Aléna muto." Naseng
Herodes. Iyakiya
mabbellémi. Maéloi
mpunowi Isa.




Naccowérini iyaro wéttowéng cakka'é
lao ri bola naonroyé Maryam sibawa
Yusuf kuwaétopa ana'na.

Suju'ni mennang, nainappa
nabbéréanni lao ri Isa

rupa-rupa
pabbére,
ulaweng,
kemennyang,
sibawa mur.



Allataala nasuroni iyaro
tau mapanré lisu ribolana
makkacubbu-cubbu.
Nasaba' macaina Herodes.
Maélo'i mpunoi Isa, aléna
nasuroi surodadunna mpunowi
ana'-ana'



baiccu'é ri Bethlehem.



Iyakiya Herodes de'naullei
peddiriwi ana'Na Allataala!
Ri laleng nippi Allataala
nasuroni Yusuf sibawa
Maryam tiwi iyaro
ana'é lao ri tana
Massere'.





Riwettunna
maténa Herodes,
Yusuf natiwini lisu paimeng
Maryam sibawa ana'é polé ri Massere'.



Ajajiyanna Isa

Seddi curita polé riada-adanna Puang
Allataala, Al Kitab,

riruntu' rilaleng

Matius 1-2, Lukas 1-2

"Rekko ripakanessai, ma'bbéréi tajang
pappaguruwam-Mu." Mazmur 119:130



Paccappareng



Iyaré curita pole ri Al-Kitab powadai passalenna Puang kaminang malebbi'é iya puraé pancajiki,' naiya maélo' toi kuammengngi idi' misseng toi Aléna.

Puangngé naissengngi makkeda purai ri pogau maja'é, iya riasengngé dosa. Pahukkungenna dosaé iyanaritu amateng, iyakiya Puangngé makkumani namaséi ki' na nabbéréangngi Ana' tungke'na, Isa, untu' maté ri aju salli'é sibawa tarimai pahukkungenna dosaé. Isa réwe'I ri atuwongngé sibawa lisui ri bola ri Suruga! Narékko mateppe'ki lao ri Isa na marellau ki' addampengeng lao ri dosata, maéloI pogau'I! MaéloI muttama sibawa monro ri laleng atuwommu, sibawa maéloI tuwo sibawaki' manennungeng.

Narékkó mateppe'ki' makkedaé tongengngi iya ada-adaé, powadai makkuwa lao ri Puangngé:

O Isa, mateppe'ka makkeda Idi' natu Puang, purani' mancaji tau lino enrengngé maté ri dosa-dosa ku, iyakiya makkekkuwangngé tuwoki' paimeng, Muttamaki' ri laleng atuwokku sibawa addampengengngi dosa-dosaku, kuwammengngi weddingngi ku tarimai atuwong mabarué, sibawa engka wettu kuwammengngi weddikka' sibawa ki' mannungeng. Tulungka' maccowé ri Idi' sibawa tuwo pada-pada ana'ta. Amin.

Bacai kitta'é sibawa abbicaraki' lao ri Puangngé esso-esso! Yohanes 3:16

